

استرا بلی

عنائی مملکتی ایچون :  
ییلانی بر بوچوق لیرا

اجنئی مملکتی ایچون :  
ییلانی ۳۳ مارق ۵۰۰ فرانق

دانه سی ۳ ششروش

ییل ۲ صای ۶۸

# اقتصادنا

مجموعه سی

فاند

عالمی وعلی هر نوع اقتصادی مسئله لدن بحث ایدر وهر پرشنه کونی چیقار .

آداره خانه : استانبول ، یکی پوسته خانه جاده سی میدان حق نومرو ۳

اعلان بلی

بر دفعه لوق هر سطر ایچون :

یکرمی غروش

سنه لک اعلان ایچون

آبرجه آکلاشیلیر

۲۲ تشرین ثانی ۳۳۳

## اقتصادیات نظارتی

تکین آب

مجموعه مزك برنجی صایسینده سابق تجارت وزراعت ناظر محترمی احمدنسیمی بك اقتصادی پروغرامنی ایضاح ابتدیی صره ده تجارت وزراعت نظارتنه اقتصادیات نظارتی نامی ویریه جکئی بیان ایلمشدی . احمدنسیمی بك اقدی مذکور پروغرامده سرد ابتدیی اصلاحاتك بر قسم کلسنی قوه دن فعله چیقارمغه موفق اولمش و فقط احوال حریبه دولایسیله اصلاحاتك بمضاری تأخیر اولمشدر .

هنوز قوه دن فعله چیقیان اصلاحات و اجرا آتک بری ده نظارتك تبدیل نامندن عبارتدر . ایلک نظرده اهمیتلن طاری کورینن بومسئله حیات اقتصادی مزك الك جانلی نقطه سنه تماس ایدر . شوراسی ایضاحدن آزاده درکه مقصد تبدیل نام دکل تبدیل صفت و ماهیتدن عبارتدر ، بو کون اسمندن ده آکلاشیلدینی وجهله تجارت وزراعت نظارتی بر آره یه ککش بر قاچ مدیریت عمومیه دن عبارتدر . بومدیریت عمومیه لری بر برینه ربط ایدن ، اولره مشترک بروح بخش ایدن ، جمله سنی عینی مقصده دوغری توجه ایدن یکنسبق و یکوجود بر سیاست هنوز تأسس ایتمه مشدر . وتشکیلات حاضره ایله تأسیسی ممکن دکلددر .

حرب عمومی محارب ویا غیر محارب بالجمله ملل واقوام نزدنده بك مهم تربیوی تأثیرلر اجرا ایتمشدر . حرب عمومی بوتون ملتلك كوزلرینی آچش و شیمدی به قدر نصلاسه نظر دقتدن دور قالمش اولان بر چوق خصوصاتك اهمیت مخصوصه سنی میدانه چیقارمشدر . حرب عمومینك كرك ملل سائر یه و كرك بزه ویردیکی بوكی درسلك الك مهملری اقتصادی نوعندن اولانلردر . بو کون آرتق بوتون ملتلك آکلامشلدردرکه بر مملکتك روحی ، عصاره حیاتی ، مدارقوامی اقتصادیاتیدر . طوب ، تفك قوتندن اول قوه اقتصادیك تأثیراتی کلیر بوندن دولابی هر یرده دولت اقتصادیاتنه یکی استقامتلر ویریلور ، هر طرفده یکی اقتصادی تشکیلات وجوده کنیریلور . بوجهل دن اوله رق

آلمانیا ده دخی مملکتك داخلی و خارجی سیاست اقتصادی سنی اداره ایتك اوزره آبرجه بر اقتصادیات نظارتك تشکیله و حتی بونك ایچون قانون اساسینك تعدیلنه تشبث اولمشدر .

آلمانیا ایمپراطورلنی دول متفقهدن عبارت اولوب هر مملکتده آیری آیری تجارت وزراعت نظارتلری بولندینی ایچون شیمدی به قدر ایمپراطورلغه مخصوص اوله رق بر اقتصادیات نظارتك تشکیله لزوم کورله مشدر . ایمپراطورلغه مخصوص اقتصادی ایشلر داخلیه نظارتك جمله وظائفندن بولونیوردی . فقط حرب عمری اثناسنده حاصل اولان تجربه لر نتیجه سنده آکلاشلمشدر که اقتصادیات سیاست عمومیه نك روح و محوری مثابه سنده در و بناء علیه امر اداره سسنگ باشلی باشنه بر اداره مستقله یه تودیعی ضروریدر . آلمانیا حکومتی بو خصوصده قرار قطعین و پریش و رایخستاغ مجلسنه قانون اساسینك اوکا کوره تعدیلی حقنده بر لایحه تودیعی ایلمشدر .

بز دخی حرب عمومینك تجارت بندن حصه آلمقدن کری قالمه دق . زده شیمدی به قدر اقتصادیاته لاقید قالمش اولان محیطلر تمامیه انتباهه ککش و حرب عمومی به قدر ملی اقتصاددن اثر کورلمدیکی حالده آز مدت ظرفده ملی اقتصاد ملی مفکوره نك الك مهم بررکتی حاله کلمشدر . آرتق بوندن بویله باشلی باشنه بر اقتصادیات نظارتك تشکیلی خصوصنده ترده محل یوقدر . شیمدی به قدر بزده اقتصادیاتله بك علاقه سی اولیان ایشلر ودها دوغروسى غائله لر اوقدر متنوع و متعدد ایدی که حکومت حیات و موجودیتنی مدافعه ایتمکدن بشقه برشی یاپه مه مشدی . دولت مدافعه نفس ایله اوغراشیرکن مملکتك اقتصادیاتنی کندی کندینه یو کسه مزدی . نه زراعت حال ابتدائیدن قورتیله بیلمش ، نه ده صنایع تأسس ایده بیلمشدر . حیوانا تمزی ، مزروعا تمزی دائمی صورتنده تهید ایدن آفاته قارشیه جدی بر مجادله آچیه مه مشدر . بو احوال نتیجه سنده درکه مملکتمز دنیانك الك منبت ، الك فیضناک طویر اقلرندن بری اولدینی حالده استحصالا تمز ادنی بر درجه ده قالمشدر . بودجه منی کبی تجاری بیلانچومز دخی هر سنه میلیونلرجه لیرالق مدھش آچیقارله

قانونوردی، حرب عمومی معاً بڑی انتباہہ کثیر مششہ مادہ قوای اقتصادیہ منک بر چوغنی ضعفہ اوغرا مشدر ثروت حیوانیہ من پک زیادہ دوچار تدقی اولدینی کبی الک مهم عنصر استحصال اولان نفوس دخی سائر محارب مملکتلر دہ اولدینی وجہلہ تناقصہ اوغرا مشدر .

محاربہ دن صوکرہ ادارہ سابقہ نک موجب اولدینی لایعد ضایعاتی تلافی ایتک ایجاب ایدہ جکی کبی حرب عمومینک ثروت واستحصالات عمومیہ مزاورزینہ اجرا ایتکدہ اولدینی تخریباتی تعمیر ایتک لازمکہ جکدر .

بوکونکی سیستم، بوکونکی تشکیلات ایلہ بومعظم وظائفک حسن صورتلہ ایفاسی قابل اولدینی ایضاحدن آزادہ در . تجارت وزراعت نظارتی رینہ تشکیل ایدلمہ سی لازمکلن اقتصادیات نظارتک وظیفہ سی اداری معاملات قرطاسیہ ایلہ اوغرا شمعقدن عبارت اولمہ یوب مملکتدہ تطبیق لازمکلن اصلاحات اقتصادیہ بی، داخلی وخارجی سیاست اقتصادیہ منی تعیین وادارہ ایتکدن عبارت اولمہ لیدر .

معاملات روزمرہ ایلہ اوغرا شان بوکونکی تشکیلات خارجندہ یارادیجی بر فعالیت ابراز ایدہ بیلہ جک برارکان حربیہ اقتصادیہ دائرہ سنی وجودہ کتیرمک لازمکلر . اقتصادیات ناظرینک وظیفہ سی؛ مشاورلری، معاونلری ارکان حربیہ سی ایلہ برابر تعالی اقتصادیہ منہ مدار اولہ بیلہ جک تدایر واساساتی قرارلشدیرمغہ منحصر اولمہ لیدر . اساساً نظارتدہ ناظرک وظیفہ سی اداری ایشلرلہ اوغرا شمعقدن کل نظارتہ متعلق سیاسی وعمومی خصوصاتی حل وتسویہ ایتکدن عبارتدر . مثلاً بوکرہ آلمانیدہ تأسس ایدن اقتصادیات نظارتی هیچ بروقت فلان آنونیم شرکتلری نظامنامہ لرینہ، معدن رخصتنامہ لرینہ، اختراع براتلرینہ، علامت فارقلرہ وبوکبی معاملاتہ متعلق ایشلرلہ اصلاً اوغرا شمعز، مثلاً حرب انسانندہ عالم صنایعک غائب ایتدکلری مخرجلری استرداد ویاخود اولنلرک رینہ یکیلرینی اقامہ ایتک کبی مسائل معضله بی حل وتسویہ یہ چالشیہ جقدر .

بزدہ دخی نظارتلر دہ طرز مساعی بویولده تعدیل واصلاح اولنورسہ مستقل بر اقتصادیات نظارتک تأسیسندن بر فائده مأمول اولہ بیلیر . یوقسہ تجارت وزراعت نامی رینہ دہا عمومی وشامل کوریلن اقتصادیات نامنک اقامہ سندن هیچ بر نتیجہ حاصل اولہ من .

طرز مساعینک تعدیل واصلاحی نتیجہ سنده بوکون تجارت وزراعت نظارتک دائرہ فعالیتی خارجندہ بولنان بر چوق وظائف اقتصادیات نظارتنہ حوالہ وبوصورتلہ سیاست اقتصادیہ دہ برلک ویکنسقلق تأسیس ایدلمش اولور .

بوخصوصدہ الک اول خاطرہ کلن ملاحظہ ممالک سائرہ دہ بر اقتصادیات نظارتک موجود اولمہ مسیدر .

بشقہ یرلر دہ امثالنی پک کورہ مدیکمنز بر تشکیلات وجودہ کتیرمکہ چالیشمق بر آز غریب کوریلیر . بوکا مقابل شونی نظر اعتبارہ الملق لازمکلرکہ بزم وضعیت حاضرہ من هیچ بر مملکتک محاربہ دن اولکی وضعیتہ مقیس اولہ من . سائر مملکتلر تعالی اقتصادی ایچون دولتک معاونت ومظاہرتنہ، دولتک مداخلہ سنہ بزم قدر عرض افتقار ایتہ مشلدر . سائر مملکتلر بزم قدر اقتصاد ساحہ سنده کیری قالمہ مشلدر، سائر مملکتلر بزم قدر تلافی مافاتہ محتاج دکدر، سائر مملکتلر دہ قایتولاسیونلر و دہا دوغروسی اجانبک تحکم اقتصادی قی عصر لرجہ مدت حکمران اولمہ مشدر . الحاصل بزم احوال اقتصادیہ من اودرجہ پریشان وقاریشیق بر حالہ بولونیورکہ بونلری تحت انتظامہ الملق ایچون ممالک سائرہ نک هیچ برینی نمونہ امثال اتخاذ ایدہ من . اساساً ممالک مختلفہ دہ نظارتلر وبالحاصلہ اقتصادیاتلہ علاقہ دار اولان نظارتلر تشکیلاتی اودرجہ متنوعدرکہ بوخصوصدہ عمومی بر فکر پیدا ایتک قابل دکدر .

مثلاً جاہیر منفقہ امر بقادہ امور اقتصادیہ اوچ نظارتہ آیریلور:

زراعت و نافعہ

صنایع و مساعی

شمندوفرلر

دانبارقہ دہ دخی کذلک اوچ نظارت واردر .

زراعت

نافعہ

تجارت وسیرسفائن

فرانسدہ ایسہ بشقہ درلو تقسیمات واردر .

نافعہ

تجارت وصنایع

زراعت

یونانستاندہ یالکنز تجارت وزراعت نظارتی واردرکہ

بوتون اقتصادی ایشلری کورور .

انکلتردہ آیری آیری اولہ رق :

تجارت

زراعت وصیدماہی

نافعہ

نظارتلری موجوددر .

ایتالیادہ :

زراعت

نافعہ

صنایع و تجارت

آیری آیری نظارتلر تشکیل ایدیور .

ژاپونیاذه بوتون امور اقتصادیہ زراعت و تجارت نظارتہ منحصر قالیور . یالکز مناقلات نظارتی مستقلاً ایضای وظیفہ ایدیور .

« فامنک » ده :

زراعت

تجارت و صنایع

آیری آیری نظارتلرہ مودوع بولونیور .

نور و مچ امور اقتصادیہ ایچون درت نظارتہ لزوم کورمشدور .

تجارت

سیرسفاثن و صنایع

زراعت

نافعہ

آوستریا دخی امور اقتصادیہ بی درده آیرمشدور

شمندو قرلر

زراعت

نافعہ

تجارت

مجارستان یالکز ایکی نظارت ایله اکتفا ایدیور .

تجارت

زراعت

رومانیاذه :

تجارت و صنایع

زراعت

نافعہ

ایچون آیری آیری نظارتلر تشکیل اولنمشدر .

لکن یوقاریده ایضاح ایتدی کمز و جملہ بز بونلرک هیچ برینی کندیمزہ نمونہ امثال اتحاد ایدمیز . چونکہ حاملز ، وضعیتمز بونلرک هیچ برینککنہ بکنزہ مز . مع مافیہ ممالک سائرہ نک تشکیلاتندن یالکز بر نتیجہ چیقارہ بیلیرز : ممالک متمدنہ نک بر چوغتده زراعت ایشلری مستقل بر نظارتہ تودیعی اولنمشدر . بز باشلیجہ بر زراعت مملکتی اولق و آئی اقتصادیمز اک زیادہ زراعتہ متوجہ بولنق اعتباریلہ زراعت ایشلری مستقل بر نظارتہ تودیعی ایدرسہک نفس الامرہ موافق حرکت ایتمز اولورز . صنایع ، نافعہ و سائرہ ایچون ایستری آیری آیری نظارتلر تشکیل ایدم ايستر جملہ سنی بر نظارتہ حصر ایدم بالجلہ امور اقتصادیہ شامل اولق اوزرہ یارادیجی بر فعالیت ابراز

ایده بیلہ جک قرطاسیہ واداری ایشلرندن آزاده بر اقتصادیات نظارتہ احتیاج واردور . الجآت حربیہ نتیجہ سی اوله رق دیگر مملکتلرده بوکی نظارتلرک تشکیله لزوم کوریلہ جکی شہہ سزدر . یوقاریده ایضاح ایتدی کمز و جملہ آلمانیاذه شمیدین تأسیس اولنمشدر . مجارستانده انتقال اقتصادیات نامیلہ یکی بر نظارت وجودہ کتیرلشدور کہ اساس اعتباریلہ بز م طلب ایتدی کمز اقتصادیات نظارتندن فرقلی برشی دکدر . سائر مملکتلرده دخی بوکی تشکیلاتک وجودہ کتیرلہ سی دها شمیدین موضوع بحث اولور . هیچ شہہ یوق محاربہ نک ختامندہ اقتصادیات نظارتی بر چوق مملکتلرده امر واقع حالہ کلہ جکدر . بوکی بر نظارتہ اک زیادہ بز محتاج بولندیغمز ایچون بونلر میانندہ اک اول بز بولنقلغمز طبعیدر .

اعشار

استانبول ولایتی املاک امیریہ مدیری

محمد زکی

— ۱ —

احوال و الجآت حربیہ تحت تأثیرندہ اوله رق مالیه نظارتی اتخاذ ایتدیکی برقرارلہ بوسنہ محصولات عشریہ بی حالہ دن صرف نظر ایتمز ، امانت ادارہ بی التزام ایلیہ رک تطبیقات و فعلیاتہ دخی کیریشمشدور . حال حربک کوستردیکی لزوم حیوبات و محصولات ارضیہ نک حکومت الہ بولنشی ، وزراع یدندہ قالان مقدارکده حکومتجہ معلوم اولسنی ایجاب ایتدی ردیکندن بوقرارلہ دولتک بوخصوصده کی تعامل قدیمی بوزدیغہ و اوتوز سنہ اولکی امانت معاملہ سنہ رجوع ایلش بولندیغہ بالطبع حکم ایدیہ مز . مع مافیہ هر نہ صورتلہ اولورسہ اولسون واردات مدیر عمومی قائق ترهت بک افندی نک یازدقلری بر مقاله واقفانہ ده (علوم اقتصادیہ و اجتماعیه مجموعہ سی جلد ۳ صفحہ ۴۳ - ۴۴۷) دیدکری کی شمیدیہ قدر اعشار حقندہ در میان ایدیلن اعتراضات منحصر اصول جایته تعلق ایتدی ریلہ رک اساسدن همان هیچ بحث ایدلہ مشدر . بز بورادہ بو وسیلہ ایله اعشارک هرجهتی کوزدن کیرمک ، اصول جایت ایله برابر اساسی ده مطالعہ ایلک ایستورز .

اعشارک مبنی علیہی اراضیدر . بناء علیہ بحثہ ایدن ای کیریشہ بیلیمک ایچون مکلفیت ارض مسئلہ سی تدقیق ایله مک لازم کلیر . اوجهندن ایشہ باشلایم . ابتدای تشکیل عالمده اراضی عموم انسانلر بینندہ مشترکدی . بی بشر تصرفه ایلک اول اموال مقبرہ ایله باشلامش ، غیرمقول اموالہ تصرف کیفتی بک چوق